

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07, 5/09) i na osnovu člana 28. stav (6) Zakona o koncesijama Hercegovačko-neretvanskog kantona („Službene novine HNK“, broj: 1/13, 7/16, 6/18, 9/19 i 1/21), na prijedlog Ministarstva privrede, Vlada Hercegovačko-neretvanskog kantona je na 30. sjednici, održanoj 5.11.2024.godine, donijela

## **ODLUKU**

### **O DODJELI KONCESIJE ZA OBAVLJANJE ELEKTROPRIVREDNE DJELATNOSTI PROIZVODNJE, PRENOSA I DISTRIBUCIJE ELEKTRIČNE ENERGIJE IZGRADNJOM ELEKTROENERGETSKIH OBJEKATA - SOLARNIH FOTONAPONSKIH ELEKTRANA „SUM MC 1“, „SUM MC 2“, „SUM MC 3“, „SUM MC 4“, „SUM MC 5“ I „SUM MC 6“, NA KROVNOJ KONSTRUKCIJI OBJEKATA FILOZOFSKOG FAKULTETA, FAKULTETA PRIRODOSLOVNO-MATEMATIČKIH I ODGOJNIH ZNANOSTI (FPMOZ), EKONOMSKOG FAKULTETA, PRAVNOG FAKULTETA, FAKULTETA STROJARSTVA, RAČUNARSTVA I ELEKTROTEHNIKE (FSRE) I GRAĐEVINSKOG FAKULTETA, MOSTAR**

#### **I**

Vlada Hercegovačko-neretvanskog kantona kao koncesor (u daljnjem tekstu: koncesor) dodjeljuje gospodarskom društvu Sveučilište u Mostaru MC d.o.o. Mostar kao koncesionaru (u daljnjem tekstu: koncesionar) koncesiju za obavljanje elektroprivredne djelatnosti proizvodnje, prenosa i distribucije električne energije izgradnjom elektroenergetskih objekata - solarnih fotonaponskih elektrana:

- „SUM MC 1“, instalirane snage 60 kW, na krovnoj konstrukciji objekta Filozofskog fakulteta na zemljištu označenom kao k.č. 1391/1 (1477/5) K.O. Mostar II,
- „SUM MC 2“, instalirane snage 60 kW, na krovnoj konstrukciji objekta Fakulteta prirodoslovno-matematičkih i odgojnih znanosti (FPMOZ) ) na zemljištu označenom kao k.č. 1389/2 (1477/14) K.O. Mostar II,
- „SUM MC 3“, instalirane snage 60 kW, na krovnoj konstrukciji objekta Ekonomskog fakulteta na zemljištu označenom kao k.č. 1393/2 (1477/11) K.O. Mostar II,
- „SUM MC 4“, instalirane snage 60 kW, na krovnoj konstrukciji objekta Pravnog fakulteta na zemljištu označenom kao k.č. 1390 (1477/9) K.O. Mostar II,
- „SUM MC 5“, instalirane snage 80 kW, na krovnoj konstrukciji objekta Fakulteta strojarstva, računarstva i elektrotehnike (FSRE) na zemljištu označenom kao k.č. 1380 (1477/7) K.O. Mostar II,
- „SUM MC 6“, instalirane snage 60 kW, na krovnoj konstrukciji objekta Građevinskog fakulteta na zemljištu označenom kao k.č. 1412/2 (1477/6) K.O. Mostar II.

#### **II**

- (4) Koncesija se dodjeljuje na period od 30 godina.
- (5) Rok trajanja koncesije počinje teći dobivanjem uporabne dozvole i priključenjem elektroenergetskog objekta na distributivnu mrežu.

- (6) Koncesija prestaje istekom 30. godine od dana početka trajanja koncesije.

### III

- (4) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade Hercegovačko-neretvanskog kantona i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede HNK.
- (5) Krajnji rok za potpisivanje ugovora iz stava (1) ovog člana je 60 dana od dana konačnosti ove Odluke.
- (6) Eventualne izmjene i dopune ugovora o koncesiji, te raskid ugovora o koncesiji, ukoliko za to nastanu zakonski uvjeti, vrši se na isti način i postupak kao kod zaključenja ugovora.

### IV

- (5) Jednokratna koncesiona naknada za:
- a) FNE „SUM MC 1“ u iznosu od 162,00 KM,
  - b) FNE „SUM MC 2“ u iznosu od 162,00 KM,
  - c) FNE „SUM MC 3“ u iznosu od 162,00 KM,
  - d) FNE „SUM MC 4“ u iznosu od 162,00 KM,
  - e) FNE „SUM MC 5“ u iznosu od 211,00 KM,
  - f) FNE „SUM MC 6“ u iznosu od 162,00 KM.
- (6) Tekuća (godišnja) koncesiona naknada za korištenje obnovljivih izvora energije i obavljanje djelatnosti (TKN) obračunava se prema formuli:  $TKN=0,03 \times GBP \times 0,05 \times 12,8$ .
- (7) Ugovorom o koncesiji propisat će se način i rokovi plaćanja koncesionih naknada iz stava (1) i (2) ovog člana, i to u skladu sa odredbama Odluke o načinu utvrđivanja kriterija, načinu obračuna i rokovima plaćanja koncesione naknade za obavljanje elektroprivredne djelatnosti proizvodnje, prenosa i distribucije električne energije na području Hercegovačko-neretvanskog kantona („Službene novine HNK”, broj: 9/18).
- (8) Sredstvo osiguranja za izvršavanje obaveza plaćanja jednokratne i tekuće (godišnje) koncesione naknade je bezuvjetna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji pobliže će se propisati ova obaveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

### V

- (3) Koncesiona djelatnost obavljat će se na način i pod uvjetima propisanim svim zakonskim propisima koji reguliraju oblast električne energije i izgradnje elektroenergetskih postrojenja ove vrste.
- (4) Zakonski propisi i standardi koji reguliraju pitanja građenja, zaštite okoline, vodoprivrede i zaštite na radu, su također obavezujući za Koncesionara.

### VI

- (2) Ugovorom o koncesiji obavezno će se propisati i sljedeće obaveze:
- a) da se koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima iz člana 5. ove Odluke,

ukoliko postoje zakonske obaveze i uvjeti za to ishodovanje i fotokopije istih dostaviti koncesoru u roku od 15 dana po pravosnažnosti;

b) da će se ugovor o koncesiji raskinuti pod uvjetima predviđenim Zakonom o koncesijama Hercegovačko-neretvanskog kantona, kao i ako koncesionar tri godine zaredom proizvede na godišnjem nivou manje od 20% od planirane godišnje proizvodnje električne energije, te za slučaj da koncesionar nije pribavio dozvole/saglasnosti iz tačke V ove Odluke u roku od dvije godine od dana potpisivanja ugovora, ugovor o koncesiji se ima smatrati jednostrano raskinutim na štetu koncesionara i u slučaju da su pravosnažnim rješenjem nadležnog organa dozvole/saglasnosti stavljene van snage ili poništene za vrijeme trajanja ugovora, ugovor o koncesiji se ima smatrati jednostrano raskinutim danom pravosnažnosti rješenja, na štetu koncesionara;

c) da je za nadzor nad ostvarenjem koncesije nadležno Ministarstvo privrede ili lice koju ministar privrede ovlasti, kao i Ministarstvo finansija za nadzor nad ispunjenjem finansijskih obaveza;

d) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko-neretvanskog kantona i ugovorom o koncesiji;

e) sve druge odredbe propisane članom 32. Zakona o koncesijama Hercegovačko-neretvanskog kantona, kao i one koje su od značaja za predmetnu koncesiju.

## VII

Koncesionar može, u roku od 15 dana od dana prijema ove Odluke, putem Ministarstva privrede, Vladi Hercegovačko-neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko-neretvanskog kantona.

## VIII

Odluka stupa na snagu danom njene konačnosti, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**V L A D A**

Broj: 01-1-02- 2651 /24  
Mostar, 5.11.2024. godine

